

.xl. OMELIA . IN ASCENSIONE DOMINI .

[.i.] UOcem iocunditatis ac dulcedinis de resurrectione domini
ac uictoria christi annuntiate fratres karissimi in medio catholici
apostoli et usque ad extremum terrę dicite . quia liberauit dominus po-
pulum suum a peccatis eorum . et de captiuitate qua per inuidiam
diaboli tenebantur captiui in tenebris et in umbra mortis .
sicut propheta dicit . Eduxit dominus populum suum in exultatione .
et electos suos in letitia . Cantate igitur domino canticum nouum .
eodem propheta dicente . quia mirabilia fecit . [.ii.] Mirabilia
quidem christus fecit . quando ab inferis uictor resurrexit . descen-
dere enim prius dignatus fuerat de sede patris . qui in cęlo cum patre
coaeuus et coaequalis fulgebat . Et tamen homo factus est
per misericordiam nostrę salutis causa . Natus enim ex maria uirgi-
ne . pannis inuolutus . In presepio positus . in carne circum-
cisus . a iohanne in iordane baptizatus . a diabolo in deserto
temptatus . a iudeis persecutus . ab ipsis etiam comprehensus . et ad
extremum flagellatus atque crucifixus . mortuus et sepultus est .
et ad inferna descendit . Et postea tertia die de sepulchro
uiuus surrexit . [.iii.] Deinde per quadraginta dies suis precepit
discipulis . quę facere deberent et docere . Quibus et prebuit
seipsum uiuum post passionem suam . in multis argumentis
/94r/ apparens et loquens eis de regno dei . Et conuescens precepit eis
ab hierosolymis ne discederent . sed expectarent promissionem patris
quam audistis inquit per os meum . Dicebat enim eis . Vado parare uobis
locum . et iterum ueniam ad uos et gaudebit cor uestrum . [.iiii.] Nisi eni^l ego
abiero . paraclitus non ueniet ad uos . dum autem assumptus
fuero . mittam eum uobis . Cum autem uenerit ille . spiritus ueritatis .
docebit uos omnem ueritatem . et que uentura sunt annuntia-
bit uobis . Ego enim rogabo patrem pro uobis . et alium paraclitum mit

tet ad uos . ut maneat uobiscum in aeternum . Apostoli igitur qui conuenerant in unum . interrogabant eum de his omnibus dicentes . Domine si in tempore hoc restitues regnum israel? Ac si dicerent . si in diebus nostris erit consummatio seculi et restitutio regni . [.v.] Dixit autem eis . Non est uestrum nosse tempora uel momenta . quę pater posuit in sua potestate . quasi diceret . Cur quęritis tempora uel momenta aduentus domini . quę signis preuenientibus et prodigiis reuelabuntur in suo tempore? quorum tamen diem uel horam nemo scit . neque angeli in cęlo . Neque filius hominis . id est omnes sancti qui sunt christi corpus . et angeli cęlorum diem iudicii nesciunt sed pater² solus . Per id enim patrem et filium et spiritum sanctum intelligimus . sicut saluator ait . Ego et pater unum sumus . Et iterum . [.vi.] Qui uidet me . uidet et patrem ; quia ego in patre et pater in me est . Et iterum . Nemo nouit filium nisi pater . et patrem quis nouit . nisi filius? nouit igitur filius diem iudicii et horam similiter sicut et pater et spiritus sanctus . Sed ideo a corpore suo . idem ab omnibus sanctis diem iudicii abscondit . ut sollicitudinem semper habeant uigilandi ; sicut ipse in euangelio dicit . Vigilate et orate et estote parati . quia nescitis qua hora dominus uester ueniet . sero . an media nocte . An galli cantu . In his scilicet temporibus noctis . dominus noster /94v/ specialiter aduentum suum significauit . [.vii.] Propterea noluit reuelare aduentus sui tempora discipulis . sed semper uigilarent et orarent ne ducerentur per fallaciam inimici . Sed accipietis inquit uirtutem superuenientis spiritus sancti in uos . et eritis³ mihi testes in Hierusalem et in omni iudea et samaria . et usque ad ultimum terrę . Ac si diceret . Sicut enim prophete testimonium de meo aduentu predixerunt in carne . ita uos et successores uestri meae resurrectionis eritis et ascensionis testes . Et ideo dixit eis . Euntes in mundum uniuersum predicate euangelium omni creaturę . id est omni homini in quo consistunt omnia elimenta . ex quibus conditus est mundus . Qui uero non crediderit condemnabitur . Fortasse aliquis apud semetipsum dicit . Ego iam

credidi saluus ero . [viii.] Uerum dicit . si fidem operibus implet . Sed ille uerissime credidit . qui uerba dei quę audierit operibus exercet . Et baptizatus fuerit . Id est . qui omnia quę in baptismo promittit perseueranter custodit . Qui uero non crediderit . condemnabitur . id est . qui fidem in deum non habet nec opera eius exercet . ipse non saluabitur . Signa autem eos qui crediderint . hæc sequentur . In nomine meo daemonia eicient ; linguis loquentur nouis . serpentes tollent . Et si mortiferum quid biberint non eis nocebit . Super egros manus imponent . et bene habebunt . Sunt autem multi qui querunt et murmurant . Quia hæc signa modo per sacerdotes facere minime uident . non intelligentes⁴ quidem quia sancta . ecclesia cotidie spiritualiter facit . quod tunc per apostolos dominus corporaliter faciebat . Quid enim aliud sacerdotes faciunt . nisi demonia eicere . quando per exorcismi gratiam manum credentibus imponunt . et habitare malignos spiritus in eorum mente contradicunt . Et qui secularia uerba derelinquunt . et conditoris sui laudem et potentiam quantum preualent narrant . quid aliud faciunt . nisi nouis linguis /95r/⁵ loquuntur? qui dum bonis suis exortationibus de alienis cordibus malitiam auferunt ; quid aliud faciunt . nisi serpentes tollunt . Id est . odium . inuidiam . de tractationem . et cetera uitia . Et qui exemplo bonę operationis proximorum uitam roborant qui in propria actione titubant ; Quid aliud faciunt . nisi super aegros manus inponere . ut bene habeant et sanentur? Quę nimirum⁶ miracula tanto maiora sunt . quanto per hæc non corpora suscitantur . sed animę uiuificantur . Grandis ergo honor credentibus in christum donatur . ut sint uidelicet fratres domini iesu christi . et filii patris altissimi . ut sint heredes dei . coheredes autem christi . Grandis in quam honor est eis . ut fulgeant sicut sol in regno patris eorum . et sedeant super duodecim thronos . iudicantes duodecim tribus israel . Grandis honor est eis . quibus filius dei dicit . Sicut dilexit me pater . et ego dilexi uos . Manete in dilectione mea . Et iterum . Uos amici

mei estis . si feceritis quę precipio uobis . Grandis honor est quibus dicit . Quod cumque petieritis patrem in nomine meo . dabit uobis . Item . Ipse pater amat uos . quia uos me amastis et credidistis . Grandis Honor est eis . pro quibus patrem filius supplicat dicens . Pater sanctę salua eos in nomine tuo . quos dedisti mihi . et ut cognoscat mundus quia tu memisisti . et dilexisti eos sicut et me dilexisti . Grandis Honor est credentibus . de quibus filius dicit . Pater quos dedisti mihi uolo ut ubi ego sum . ibi sint et hi mecum . Ut uideant claritatem meam quam dedisti mihi . et ego dedi eis . Et iterum . Grandis Honor . est eis . quibus saluator oscula pacifica dedit dicens . Pacem relinquo uobis . pacem meam do uobis . Et iterum . Grandis Honor est eis . quibus saluator ad patrem rediens dicebat . Tempus est . ut reuestar ad eum qui me misit . uos autem benedicite deum /95v/ et enarrate omnia mirabilia eius . Et iterum . Grandis Honor est eis quibus ipse dixit . Ascendo ad patrem meum et patrem uestrum . deum meum et deum uestrum . Et cum hæc dixisset uidentibus illis eleuatus est in nube clara . et ipse quidem expansis manibus ferebatur in cęlis . et benedicebat eis dicens . Pax uobis . et nubs suscepit eum ab eorum oculis intuentibus illis aera . Ecce ubique creatura creatori suo prestat obsequium . Astra indicant nascentem patientem obnubunt . Recipiunt nubes ascendentem . et redeuntem ad iudicium comitabuntur . Cumque intuerentur in cęlum . ecce duo uiri steterunt amicti ueste clara iuxta illos dicentes . Quid admiramini caelorum alta? iesus enim hic qui assumptus est . a uobis ad patris dexteram . Vt ascendit ita ueniet . id est . in eadem forma carnis atque substantia ueniet iudicaturus . in qua uenerat iudicandus . Illi autem una uoce clamabant dicentes . Ó rex glorię domine uirtutum . qui triumphatur hodie super omnes cęlos ascendisti . ne derelinquas nos orphanos . sed mitte promissum patris in nos spiritum ueritatis . ut semper nobiscum maneat

in aeternum . et tecum uitam habeamus aeterna . per infinita secula seculorum . amen .

¹ eni] *sic pro enim*

² pate] *sic pro pater*

³ eritis] *corr. from erititis*

⁴ intelligentes] *corr. from intellegentes*

⁵ *There are three different forms of G on this page.*

⁶ nimirum] *corr. from nemirum*